



SEKTOR ZA CARINE

Broj: 03/1- 50-5-1030-2 /16
Datum: 08.06. 2016.godina

BOSNA I HERCEGOVINA	
Uprava za indirektno oporezivanje	
Banja Luka	
13.06.2016	
PRI	Broj priloga
Orga	broj
01-50-1-15-29416	

BOSNA I HERCEGOVINA
SAVJET MINISTARA
Generalni sekretarijat

Predmet: Poslaničko pitanje,
odgovor

Veza vaš broj akta: 05-50-1-1548/16 od 18.05.2015. godine.

Upravi za indirektno oporezivanje ste uputili poslaničko pitanje koje glasi: "Šta Uprava poduzima da omogući bescarinski uvoz automobila iz EU, obzirom da pojedine firme iz Evrope ne izdaju euro-obrazac npr (volkswagen, BMW)".

Sektor za carine, na postavljeno pitanje, odgovara kako slijedi.

Sporazumom o stabilizaciji i pridruživanju između Evropskih zajednica i njihovih država članica, s jedne strane i Bosne i Hercegovine, s druge strane, tačnije pripadajućeg Protokola 2 o definiciji pojma "proizvodi s porijeklom" i načinima administrativne saradnje propisani su uslovi i načini za sticanje porijekla robe, dokazivanje porijekla, postupak izdavanja dokaza o porijekla, prilaganje dokaza o porijeklu u postupku carinjenja robe, ispravnost/valjanost izdatih dokaza, primjena povlaštenog tretmana, naknadna provjera, čuvanje dokumentacije...

U skladu sa odredbama člana 17. Protokola 2 dokaz o porijeklu robe - uvjerenje o kretanju EUR.1 izdaju carinske vlasti zemlje izvoznice, na pisani zahtjev izvoznika ili njegovog ovlaštenog predstavnika, nakon uvida u dokumentaciju kojom se dokazuje porijeklo odnosnih proizvoda, kao i ocjene da su ispunjeni ostali uslovi iz Protokola 2.

Izjavu na računu, kako je propisano članom 22. Protokola 2 popunjava izvoznik za pošiljke čija vrijednost ne prelazi 6000 eura ili ovlašteni izvoznik bez obzira na vrijednost robe, ako se izvozni proizvodi mogu smatrati proizvodima s porijeklom.

Carinski organi zemlje uvoznice, primjenjuju povlaštenu /preferencijalnu stopu carine ukoliko uvoznik zatraži primjenu i priloži adekvatan dokaz o porijeklu.

Dakle, "bescarinski uvoz" ne omogućavaju carinski organi i nemaju uticaj na izdavanje dokaza o porijeklu u zemlji izvoznici. Uvoz robe s porijeklom uz primjenu umanjene ili nulte stope carine propisan je samim trgovinskim sporazumom, u ovom slučaju između Bosne i Hercegovine i Evropske zajednice.

Ovaj Sektor nije zaprimio ni jedan upit vezano za ne izdavanja dokaza o porijeklu za vozila porijeklom iz Evropske zajednice, ali je po saznanju o istom upoznao nadležno Ministarstvo spoljne trgovine i ekonomskih odnosa BiH (kopija akta u prilogu), kako bi isto, kao potpisnik sporazuma čije odredbe se ne poštuju u potpunosti, preduzelo aktivnosti na rješavanju ovog problema, koji je na štetu uvoznika robe u Bosnu i Hercegovinu.

S poštovanjem,

Prilog: kao u tekstu

Dostaviti: Naslovu,

Parlamentarna skupština BiH
Predstavnički dom,
01/3,
01/1,
03/1,
a/a



POMOĆNIK DIREKTORA
ZDRAVKO CVJETINOVIĆ



SEKTOR ZA CARINE

Broj: 03/1- 18-3-51-1275-1 /16
Datum: 27.05. 2016.godina

MINISTARSTVO VANJSKE TRGOVINE I
EKONOMSKIH ODNOSA BIH
SARAJEVO
Sektor za carinsku politiku i tarife

**PREDMET: Dokazi o porijeklu robe iz Evropske zajednice,
informacija**

Poštovani,

Uprava za indirektno oporezivanje - Sektor za carine ima informacije da carinski organi nekih zemalja Evropske zajednice ne izdaju dokaze o porijeklu za vozila, jer proizvođači istih ne izdaju potvrde da je predmetna roba porijeklom iz tih zemalja.

Od strane uvoznika imamo saznanja da su se u vezi predmetnog pitanja obratili upitom Ministarstvu u pisanoj formi, ali ništa se nije u međuvremenu promijenilo.

Predlažemo da u okviru svojih nadležnosti preduzmete aktivnosti kako bi imali potpune informacije, pomogli u otklanjanju poteškoća koje su na štetu uvoznika ove robe, omogućili da se u potpunosti primjenjuju odredbe Sporazuma o stabilizaciji i pridruživanju između Evropskih zajednica i njihovih država članica, s jedne strane i Bosne i Hercegovine, s druge strane, kao i da nas obavijestite o ishodu.

S poštovanjem,

Dostaviti: Naslovu,
03/1,
01/1,
a/a



POMOĆNIK DIREKTORA
ZDRAVKO CVJETINOVIĆ